

قصة قصيرة حدثت بالفعل : من واقع انقلابي مؤلم



الخميس 4 سبتمبر 2014 12:09 م

نافذة مصر

ننقل قصة قصيرة حقيقية رواها محمد أشرف - نجل القيادي الإخواني اشرف مصيلحي- في تدوينته :
في يوم كنت ماشي أنا ووالدي على طريق صحراوي لاقينا عربيه راكنه عطلانه .. وقفنا (وانا عارف انها بتاعت ظابط في القسم) والدي عرض عليه مساعدته البيه قاله البوكس جاي يقطرها
والدي قاله تعالى نوصلك
(الظابط خاف) والدي قاله ممكن تجيب حد معنا لو حضرتك قلقان من حاجه ! .. الظابط جاب أمين الشرطة معنا (راكب وراه) مأمنه
طول الطريق بيحكينا عن بطولاته .. لحد مزهقت منه قولاته (وبالنسبة للبلطجية اللي مرميين في الشوارع سايبينهم وبتروحوا لأنصف ناس في البلد تاخدوهم من بيوتهم عشان السيسي ؟!! .. ده ظلم وحرام .. هتوقفوا قدام ربنا وهيسألوكوا)
المهم قعد يقولنا انه راجل شريف .. ومبيشاركش في ظلم .. ومتدين ويصلي .. ومقتنع بان لسيسي مش كويس والإخوان كانوا احسن ... وهكذا
وصلناه لحد القسم .. وهوا نازل والدي قاله " أنا بشمهندس أشرف المصيلحي من الإخوان المسلمين .. ومش بلطجيه ولا إرهاب .. ووصلناك عادي ومحصلش اي حاجه "
الظابط كان مزهول وامين الشرطة قال " أنا عارفك يا بشمهندس وانت راجل محترم وعارفين انكوا ناس كويسه ... "
وأضاف: الظابط ده هو نائب مأمور قسم السادات .. وهوا نفس الظابط اللي اعتقل والدي النهارده .. وهوا اللي دخل بهدل البيت ومحترم مش حرمة ... !!!
والدي قاله " ازيك .. عامل ايه .. مش فاكرا تقابلنا امتى ؟ "
البيه حط وشه في الأرض !